



# JA POKUPE'I MONTO WIKIPEDIA!

Paduma limbu-limbu'o ode  
olanto taa ohilawo ensiklopedia  
uda'a to duniya maya



Raymond Sutanto  
Nur Rahmi Nailah

Wikimedia Indonesia

# **JA POKUPE'I MONTO WIKIPEDIA!**

Paduma limbu-limbu'o ode  
olanto taa ohilawo ensiklopedia  
uda'a to duniya maya

Raymond Sutanto  
Nur Rahmi Nailah

Wikimedia Indonesia

**Judul:**

JA POKUPE'I MONTO WIKIPEDIA!  
Paduma limbu-limbu'o ode olanto  
taa ohilawo ensiklopedia  
uda'a to duniya maya.

**ISBN:**

978-623-88155-4-8 (PDF)

**Taa Loluladu:**

Raymond Sutanto  
Nur Rahmi Nailah

**Taa Lopoluneto:**

Perkumpulan Wikimedia Indonesia  
TCC Batavia Tower One, Lt. 6. Jalan  
K.H. Mas Mansyur No. 126, Karet  
Tengsin, Tanah Abang, Jakarta  
Pusat, DKI Jakarta 10220  
email: [info@wikimedia.or.id](mailto:info@wikimedia.or.id)

**Taa Lotarjamah:**

Marwan Mohamad

**Taa Lomoli'o:**

Junus Duwente

**Taa Lomalisaka:**

Adien Gunarta  
Dwi Satria Utama

**Taa Lopololadu:**

Perkumpulan Wikimedia Indonesia  
TCC Batavia Tower One, Lt. 6. Jalan  
K.H. Mas Mansyur No. 126, Karet  
Tengsin, Tanah Abang, Jakarta  
Pusat, DKI Jakarta 10220  
email: [info@wikimedia.or.id](mailto:info@wikimedia.or.id)


**Lisensi:**

Judul lo botiya "JA POKUPE'I MONTO WIKIPEDIA! Paduma limbu-limbu'o ode olanto taa ohilawo ensiklopedia uda'a to duniya maya."

Taa loluladu Raymond Sutanto woli Nur Rahmi Nailah, Wikimedia Indonesia. Ito mowali mopotayadu - mohemi wawu mopololadu ulangi tuwangiyo botiya to delomo totonula lo bentuk meyalo format; Adaptasi - mengubah, momoli'o, wawu mopo' odaata monto tuwangiyo botiya ode totonula lo'u othilanto, wayitiyo u po'o tapulalo tilapulo.

Taa longohi Lisensi didu mowali mopobatali putusani to yitato wonu Ito maa lodungohu putusani lisensi botiya. Lisensi walu-walunga to Creative Commons CC-BY-SA 4.0

Nga'amila tuwangiyo to delomo buku botiya walu-walunga to lisensi Creative Commons Attribution Share-Alike (CC-BY-SA) 4.0. Mopololadu ulangi buku botiya musi pohutuwo delo lisensi mohumayawa.



[creativecommons.org/licenses/by-sa/4.0/deed.id](https://creativecommons.org/licenses/by-sa/4.0/deed.id)

# Tahe Pomuntato

Anggadu pilopotihulo le Jimmy Wales to taawunu 2001, Wikipedia maa yilumayi'a ti'otutuwa. Wikipedia bahasa Enggeleti yilowali to taawunu 2001, lapatiyo ma'o maa lodudu'a yilumonggu mayi olo Wikipedia to delomo totonula lo bahasa to dunia, wayitiyo olo teeto Wikipedia bahasa Indonesia yilumuwala to taawunu 2003. Lapatiyo ma'o Wikimedia Foundation pilopotihulo to taawunu 2003, sambe maa hemo'odukungi lolayi'iyu lo Wikipedia wawu proyek-proyek wutatiyo. To Indonesia, Wikimedia Indonesia maa lokalaja proyek-proyek u pilatuju modukungi lolayi'o wolo peningkatkan mutu lo Wikipedia, tomimbihu moduhenga konten meyambo jumula lo sukarelawan ta hemokontribusi teeto.

Tala tuwawu lo proyek hepopona'o lo Wikimedia Indonesia de'uwitoyito program WikiLatih u maa na'o-na'o anggadu taawunu 2016. Program WikiLatih lowali program mopo'oloto moluladu wawu momoli'o artikel to Wikipedia. Lopatato, to'u longimato nona'o lo program WikiLatih u he-pohutuwo lo totonula lo , wawu lohuyula wolo totonula lo instansi, organisasi, meyambo komunitas, onngo ngohuntua yiyintu tomimbihu Wikipedia u layito heyintuwo lo tawu

lodudu'a lopo'oloto meyambo pange taa hemohuyula wolo Wikimedia Indonesia. Ngopohiya leeto, media sosial Wikimedia Indonesia odelo Facebook, Instagram meyambo Twitter layito olo hepuluwa lo yiyintu u mohumayawa.

Yiyintu odelo wolo hihedeliyo Wikimedia wawu Wikipedia, mowali meyambo diila mokupe'i monto Wikipedia wawu woloolo mopolayi'o Wikipedia to delomo bahasa tuwawu u layito heyintuwo lo tawu ode olami.

**JA POKUPE'I MONTO WIKIPEDIA!**  
Paduma limbu-limbu'o ode olanto ta ohilawo ensiklopedia uda'a to duniya maya lowali tuwawu lo usaha lonto Tim Program Pendidikan Wikimedia Indonesia mongohi tameto ode timi'idu yiyintu boyito.

Tim Program Pendidikan moharapu buku paduma u limbu-limbua botiya mowali tombango mohelo mongohi pongotota dasar tomimbihu Wikipedia ode mongo wutato to tonulala tambati alihu maa molumulo mokontribusi to Wikipedia.

**Jakarta, 16 Maret 2020**  
**Tim Pendidikan**  
**Wikimedia Indonesia**

- 1 Wolo boyito Wikipedia?
- 3 Wolo hihedeliyo Wikipedia wawu Wikimedia?
- 5 Longola Wikipedia pilohutu?
- 6 Wolo boyito patuju lo Wikipedia?
- 7 Wonu Wikipedia hu'o-hu'o yito,  
mowali konten lo Wikipedia boli'olo  
meyambo lomelolo lo'u ja motumbawa?
- 8 Pata'o artikel wolo u  
woluwo to Wikipedia?
- 9 Longola diya'a  
iklan to Wikipedia?
- 9 Lapata'o Wikipedia  
mo'otapu doyi monto utoonu?
- 10 Delo otutu Wikipedia ja  
mowali pohutu referensi?
- 11 Delo wolo botiya  
huna lo Wikipedia?
- 12 Artikel lo Wikipedia yito delo  
otuwa informasi u banari?
- 13 Wolo ma'analiyo u diludu'a u  
hepomake to artikel Wikipedia de otawa  
banari wawu mowali parcayalalo?
- 14 Longola watiya debo hemo'otapu  
informasi ja banari to Wikipedia?
- 15 Pata'o woloolo caraliyo momoli'a  
artikel to Wikipedia?



# Tuwango



Woloma' o tuladu u ja mowali tuladulo/ ja tolimoliyo to Wikipedia?	16
Mowali watiya motolohaku tulade to Wikipedia boyito tuladu lowatiya?	17
Longola konten to Wikipedia bahasa Enggeleti wawu Indonesia hihihede?	18
Longola woluwo tawu mohuto moluladu to Wikipedia openu timongoliyo ja mo'otapu bayari?	19
To Indonesia, bahasa lo lipu utoonu u maa woluwo Wikipedia lohihilawo?	20
Longola woluwo Wikipedia bahasa lo lipu? Woloolo mola ilowwaliliyo? Wawu wolo patujuliyo?	21
Watiya maa motohilawo momun -tato Wikipedia to delomo bahasa lo lipu lowatiya. Woloolo caraliyo?	22
Watiya ohila molumulo momoli'a artikel to Wikipedia, dabo masasa mololohe ide topik u tuladulo. Delo woluwo solusi ode masa'ala botiya?	23
Delo woluwo paduma molulade to Wikipedia?	24
Delo woluwo heluma lo molulade to Wikipedia u mowali dudu'a lo taa bohu odelo watiya?	25
Kegiatan molulade to Wikipedia delo ohunaliyo pohutu sarati mobotulo panggati?	26
Wonu watiya ohila mohintu lebe mopatato, tita taa mowali hubungiya latiya?	27

# Wolo boyito Wikipedia?

*“Wikipedia yito ensiklopedia to delomo aayita lo internet u hu’o-hu’o to rupa-rupa lo bahasa”*

Wikipedia yito ensiklopedia tuwawu to delomo aayita lo internet hu’o-hu’o u sadi-sadiya to rupa-rupa lo bahasa. Dulo ito mongimato tom-bangiyo ngotahe-ngotahe.

Bungaliyo, ensiklopedia. Wolo boyito ensiklopedia? Wolo hihedeliyo ensiklopedia wawu u hepobaca uwewo ma’o lo’u biasa hepobacanto (koran, majala, opini)? Modudu’a mola to definisiliyo, ensiklopedia yito ilomata tuwawu o referensi u mongohi mayi limbu’iyo lo pongotota monto totonula lo ilmu. Entri to delomo ensiklopedia lebe haya-haya’o popobandingiyo mota wolo kamus wawu tuwangiyo informasi faktual (fakta), boliliyo ma’o otutu yilowali wawu paralu bukti. Alihu mo’otapu fakta tuwawu, ensiklopedia biasaliyo hetuladu lo tawu ahali to bidang boyito. To Wikipedia, “keahlian” botiya hilama wawu pilopopatato ode sumber-sumber sekunder, odelo ta lopoluneto wawu taa hipolulade taa ilanggapu latunga to bidang boyito.



## Pata'o wolo hihedeliyo Wikipedia wolo ensiklopedia biasa?



**Wikipedia sadi-sadiya to delomo aayita lo internet (aayita lo internet).** To'u dipoluwo Wikipedia to taawunu 2001, debo maa woluwo ensiklopedia u sadi-sadiya to delomo aayita lo internet, dabo boheli yimontalo wawu ja modeto'odelo Wikipedia.



**Wikipedia sipatiliyo hu'o-hu'o.** Wikipedia maa lowali damango odelo to sa'ati botiya sababu sipatiliyo u hu'o-hu'o. Hu'o-hu'o yito ma'analio tita lotita mowali moduhengo wawu momoli'a tuwangiyo (tantu ode olimongoliyo taa a'ayita wolo internet).



**Wikipedia sadi-sadiya to delomo rupa-rupa lo bahasa.** Hihihede wolo ensiklopedia uweewo u biasaliyo bo sadi-sadiya to delomo bahasa tuwawu, humaya mayi bahasa Indonesia meyambo bahasa Enggeleti, Wikipedia sadi-sadiya to delomo rupa-rupa bahasa lo lipu odelo bahasa Gorontalo, Nias, Banjar, Madura, wawu uweewoliyo ma'o.

To bibilohu lo tawu daata, Wikipedia duta-duta'a to 5 prinsip uda'a (to Wikipedia, olimo lo paduma botiya tilanggulaliyo "Wolihi limo") u wajibu dungoheliyo lo nga'amila versi Wikipedia sambe to dulahe botiya, de'uwitoyito:



**Otutu tuwawu lo ensiklopedia**



**Tita lotita mowali momoli'o**



**Sipatiliyo ja wambihu**



**Tuwangiyo wamba'o bo konten wolo lisensi u hu'o-hu'o**



**O'aturangi wawu tinepo u helumolo sama-sama**

Wonu ohila mopobaca versi ganapu, Ito mowali momu'o:

[bit.ly/pancapilarwiki](http://bit.ly/pancapilarwiki)





# Wolo hihedeliyo Wikipedia wawu Wikimedia?

*“Wikimedia yito organisasi u koli-koliyo’a to wuleya lo Wikipedia”*

Openu boli sama-sama o awalan “Wiki”, dabo Wikipedia wawu Wikimedia ma’analiyo hihihede. Wikipedia yito ensiklopedialiyo, wawu Wikimedia yito organisasi u koli-koliyo’a to wuleya lo Wikipedia.

Woluwo 2 dalala Wikimedia u paralu otawanto, de’uwitoyito Wikimedia Foundation wawu Wikimedia Indonesia. [Wikimedia Foundation](#) (WMF) de’uwitoyito yayasan ja hemopehu

untungi wawu bilulo’aliyo to Amerika Serikat u hemodukungi wawu hemo-pona’o Wikipedia. Openu odito, WMF ja hemohutu meyambo hemodaha konten artikelliyo. Dila bo Wikipedia, WMF olo hemodukungi wawu hemo-pona’o lo 11 situs uweewo “wutato” lo Wikipedia odelo Wiktionary (kamus), Wikidata (himbunga lo data), Wikimedia Commons (berkas), Wikivoyage (paduma lo mopasiyari), wawu onngo woluwo situs uweewoliyo ma’o.



WMF opange ngohuntuwa mitra lokal u lola-lolade to totonula lo negara to dunia, tala tuwawuliyo to Indonesia. Mitra lokal WMF to Indonesia tangguliyo **Wikimedia Indonesia** (WMID). WMID pilopotihulo lo kontributor lokal Indonesia to tawunu 2008 wawu nona'o lo lembo'a botiya sipatiliyo independen monto WMF.

Awasi, podaha motalawa pahamui! Ja nga'amila situs "wiki" u woluwo to internet hebiyahu lo WMF. Situs odelo WikiLeaks, Wikihow, wawu WikiDPR ja wayitiyo lo situs u hebiyahu lo WMF.



# Longola Wikipedia pilohutu?

*“Wikipedia bungaliyo bo duhengo ode Nupedia”*



Wonu ito mongimato sojara lo Wikipedia, bungaliyo proyek botiya lodudu'a proyek ensiklopedia tuwawu tanggula **Nupedia** to taawunu 2000. Nupedia pilopotihule **Jimmy Wales** wawu **Larry Sanger** to wakutu boyito hemokalaja to perusahaan internet tanggu-tanggula Bomis. Nupedia lohihilawo to sa'ati boyito bo hetuladu lo taa ahali.

Te Wales wawu te Sanger pata'o pooli maa lohutu situs tuwawu tanggula **Wikipedia** to taawunu 2001. Proyek Wikipedia to bungaliyo bo duhenga ode Nupedia. Dabo hihi-ihewo ma'o lo wakutu, bo Wikipedia u lowali masahuru. Nupedia to pulitaliyo mota maa lo he'uto to taawunu 2003 sababu lolayi'iyo moko-bola da'a.



**WIKIPEDIA**  
Ensiklopedia Bebas

**UPEDIA.COM**  
THE OPEN CONTENT ENCYCLOPEDIA

**Welcome to Nupedia.com!**

We are building the world's largest international, peer-reviewed encyclopedia. It is free.

Nupedia is open content: the contents are not proprietary and are freely distributable under our [open content license](#). This is a revolutionary concept.

We have the time, money, personnel, and commitment. But we need your involvement, too, particularly if you are a scholar or scientist.

[Join this massive effort!](#)

**Search Nupedia**  
Search

**Read Nupedia**  
By Subject  
Alphabetically  
Newest Articles

**Receive an encyclopedia article in your mailbox every morning!**  
Just enter your e-mail address.  
Subscribe!

[More info on this](#)

**Join the Effort!**  
Write Articles  
Edit and Review  
Copyright

**Our Editors and Peer Reviewers**

**Our Writers**

**About Nupedia**  
Editorial Policy  
Nupedia News  
Press Mentions  
Discussion Groups  
Open Content License

**Member Area**  
All Assignments  
Your Assignments  
Requested Topics  
Volunteer to Write on a Topic  
Join Here

To Indonesia, lolayi'o Wikipedia ti-lumula to'u **Wikipedia bahasa Indonesia** pilohutu taawunu 2003 wolo artikel bungaliyo judul “Elektron”. Ngotaawunu lapatiyo ma'o maa lodudu'a mayi yilumonggu Wikipedia to delomo bahasa-bahasa lo lipu uweewo, sambe ode sa'ati botiya.

# Wolo boyito patuju lo Wikipedia?

*“Imagine a world in which every single person on the planet is given free access to the sum of all human knowledge. That’s what we’re doing.”*  
 – Jimmy Wales



***“Bayangiya mola duniya tuwawu tambati lo nga’amila manusia mowali motayade totonula lo pongotota lo’u pereyi. Uwitolo patujunto”***

Joo, uwitolo patuju lo Wikipedia. Moposadiya totonula lo ilmu pongotota moli ensiklopedia tuwawu to delomo aayita lo internet u pereyi wawu hu’o-hu’o u mowali pomake lo ta-wu nga’amila, timi’idu wakutu boli monto utoonu.



# Wonu Wikipedia hu'o-hu'o yito, mowali konten lo Wikipedia boli'olo meyambo lomelolo lo'u ja motumbawa?

*“Wikipedia woluwo yimo’a lo ‘dudaha’ taa layito ‘hemodaha’ mopowuwalingo nga’amila u biloli’o tawu wonu mopatato ja motumbawa wawu ja banari.”*

Secara teknis, memangi odito. Dabo ja lipata, Wikipedia olo woluwo yimo’a lo “dudaha” boli molotolo.

Dudaha botiya layito “hemodaha” mongimato halaman “boheli loboli’a mola”. Timongoliyo lato mponguli u loboli’a wonu bilehe ma’o limongo-

liyo ja motumbawa meyambo u loboli’a boyito tuwangiyo informasi ja banari. Woluwo ngoolo lota taa ohu’uwo yilohiya akses ode pilakasi wawu hak khusus—ode moblokir wawu mongunti artikel—alihu konten Wikipedia to palihara kualitasliyo.




# Pata'o artikel wolo u woluwo to Wikipedia?

*“Tuwango Wikipedia yito totonula lo ilmu pongotota lo manusia”*

Wikipedia otuwa totonula ilmu pongotota lo tawu, tumula mayi monto topik-topik serius odelo buto'o, dangi, filsafat, masina, sains, geografi, polyama sambe ode topik-topik populer odelo komik, manga, film, muusiki, wawu anime olo woluwo sadi-sadiya to Wikipedia.

To tibawa botiya contoh-contoh lo artikel to Wikipedia u mopiyo, boliliyo ma'o maa modelowa wolo kriteria kelayakan wolo aturangi molu-ladu artikel u mopiyo to Wikipedia.

Ito mowali mopotuwoto judul lo artikel to kotak pololohelo to olowala yitaato halaman Wikipedia.



**Anton Chekhov**  
taapulu ngota ahali lo sastra lonto Rusia



**Bacharuddin Jusuf Habibie**  
taapulu ngota presiden lo Indonesia otoluliyu



**KRI Nanggala (402)**  
kapali motinulopo lo Angkatan Laut Republik Indonesia




**Tumbilo Tohe**  
tradisi molumbila tohe tolu huyi pulito ramadani to Hulontalo



**Wikipedia bahasa Hulontalo**  
sojara tomimbihu woloolo Wikipedia Hulontalo pilohutu



**Wilhelm Joest**  
taapulu ngota lonto Jerman, ahali etnografi, taa bungaliyo lolulade bahasa Hulontalo



## Longola diya'a iklan to Wikipedia?

Te Jimmy Wales, taa lopotihulo Wikipedia, lolo'iya wonu woluwo iklan maa mo'o timbulu lantobu tawu ngohuntuwa. Longola? Sababu taa lo-pohangato iklan tantu bo motohilawo artikel u mopiyo u tuladulo tomi-mbihi olimongoliyo, hihihede wolo patuju lo Wikipedia duta-duta'a mototoheto to netralitas, diyaluwo artikel mobuheta ngoo'a meyambo wimbihu to Wikipedia.

## Lapata'o Wikipedia mo'otapu doyi monto utoonu?

Timi'idu taawunu, Wikimedia Foundation hemohutu kegiatan mohimo'a dana monto sumbangan to halaman proyekliyo, wayitiyo olo Wikipedia. Mohimo'a dana botiya biasaliyo hepohutuwo lo pe'eenta to delomo u ngotaawunu. Doyi motoduwo mayi monto kegiatan botiya u hepopohunaliyo lo Wikimedia Foundation modukungi komunitas ngotupa lo dunia, momiyahu situs Wikipedia, wawu operasional lo kantori.

# Delo otutu Wikipedia ja mowali pohutu referensi?

Banari! Artikel to Wikipedia ja mowali pohutu bungo lo rujukan me-yambo referensi. To'u Ito mo'otapu informasi to Wikipedia, popohunawa referensi-referensi u pilomake to

artikel Wikipedia mowali rujukan, diila artikel lo Wikipedia boyito. O'o-ditoliyo, anggapuwa ma'o Wikipedia yito "huhebu pilotituwota" alihu Ito mo'otapu referensi mopiyo.



## Referensi [ boli'a | boli'a bungo ]

1. ↑ Malam Tumbilotohe: Menikmati Gorontalo yang Ramai Berhiasakan Lampu [🔗](#) pilobaca 31 Mei 2018
2. ↑ Tumbilotohe: Tradisi Malam Lailatul Qadr ala Gorontalo [🔗](#) pilobaca 31 Mei 2018
3. ↑ Tumbilotohe, Festival Lebaran Paling Ramai di Gorontalo Saat Lebaran [🔗](#) pilobaca 31 Mei 2018
4. ↑ Warga Gorontalo Rayakatan Tradisi 'Tumbilotohe' [🔗](#) pilobaca 31 Mei 2018


**Dalala:** Tuladu tulawoto | Budaya | Tumbilo Tohe



# Delo wolo botiya huna lo Wikipedia?

Delo otawanto ma'oto tutuliyo tutu Wikipedia bahasa Indonesia lo'otoduwu **2 milyar** ta lomilohu to delomu u ngotaawunu pulitiyo? Uwito pata-tiyo, to delomu u ngohula woluwo taa lomilohu sambe hetuto juta, wawu uwito lowali tuwoto tutuliyo tutu situs botiya hepophuna lo masarakat

mololohe informasi. Po'otuwota olo, masina pololohu Google ngope'e layito hemopodutu to yitaato hasili u yilotapu lonto Wikipedia (to Indonesia meyambo to Enggeleti). Humaya mayi, ntali Ito motepu "Hindia Belanda" to Google, maa lumuwalayi hasili delo odiyamola:



Wolo dukungan odiye, potensi lo Wikipedia mowali sumber informasi timi'idu wakutu hemopohu damango. Ngopohiya leeto, Ito olo mo'oyiyo ode jutaan tawu ngotupa lo dunia alihu mo'otapu informasi u okualitas, informatif, komprehensif, wawu i'imbangiya.

# Artikel lo Wikipedia yito delo otuwa informasi u banari?

Timi'idu taa mopobaca Wikipedia musi kritis to'u mobaca meyalu mololohe informasi to Wikipedia. Informasi u tula-tulade to Wikipedia ja mowali lato tolimolo sama-samata.

Bungaliyo u musi yito mopo'opatato delo woluwo referensi to artikel boyito. **Referensi meyambo rujukan** to timi'idu artikel Wikipedia hituwota lo nomor **[1], [2], [3]** delo odiyamola:

## Polopalo

Lonto Wikipedia, ensiklopedia pereyi bahasa Hulontalo

**Polopalo** yito pilakasi tuwawu u hedungohela tingohiyo, pilohutu lonto talila mohengu haya'iyo duulo lango, yilaluta odelo tunggilo huwayo wawu o huwanga kiki'o to bungoliyo.<sup>[1][2]</sup> Polopalo lonto asali lo tahe polo-polopaliyo, de'uwito yito tingohe u lumuwalayi wonu polopalo botiye hepomubohe to hu'u lo ta hemopotingohu.<sup>[3]</sup>

Wonu Ito lo'otapu nomor odito, tepuwa olanto uwito, wawu Ito maa pobaleliyo mota ode rujukan asli, u lowali sumber pilohutuliyo artikel boyito. Ito mowali mopobaca sumber asliliyo alihu lebe mopatato informasi u motapu wawu lebe modeto'o.

Oluwoliyo, to'u maa ilotawa sumber asliliyo, po'obilohe, sumber asli informasi botiya kredibel meyambo dila. Po'opatata delo woloolo "lenggota" piyohiyo lo referensi boyito. Sumber lonto media sosial, blog lohihilawo, buku pilo poluneto lohihilawo, tantu dila mali rujukan u banari wawu mowali parcalalo.

# Wolo ma'analiyo u diludu'a u hepomake to artikel Wikipedia de otawa banari wawu mowali parcayalo?

Tantu! Yimo'a lo Wikipedia maa o aturangi standar acuan umum referensi u woloolo mowali pomake to Wikipedia. Nga'amila komunitas maa helumo wolo standar botiya wawu standar boyito odiya mola lenggotaliyo:



1. **Mowali paracayalo.** Jurnal ilmiah, buku pilopoluneta lo talopoluneto, majala/tabloid lo ilmu pongotota, media massa nasional, wawu tugas pulitiyo u maa iluji lo ta ahaliliyo tuwa-tuwanga to kategori botiya.



3. **Wonu mowali peleehiya ma'o.** Blog, koran kriminalitas, tabloid gossip wonu mowali peleehiya ma'o pohutu rujukan.



2. **Ja pilongahulo.** Buku pilopoluneto lohihilawo, bolu lo kaset, artikel totonula loma'o lonto situs populer lebe mopiyohu ja popohunawa mowali rujukan.



4. **Mopatato ja mowali.** Nga'amila versi Wikipedia bahasa uweewo meyambo situs uweewo sistemliyo mohumayawa wolo Wikipedia, ja mowali pohutu rujukan. Odito olo ode media sosial wawu layanan tahuli limbu-limbu'o odelo Facebook, Twitter, Instagram, wawu Whatsapp/Line.



# Longola watiya debo hemo'otapu informasi ja banari to Wikipedia?

Utiya tuwawu humaya 'tekeni lo layahu'' u yilawo mayi lo taa ohu'uwo Wikipedia lonto masina pololohu Google tomimbihu tala tuwawu grup muusiki lonto Norwegia tangguliyo Mayhem (tuwango konten hilama lonto halaman Wikipedia bahasa Indonesia).

**Mayhem**  
Kelompok musik

Mayhem adalah kelompok musik religi dari slawi yang dibentuk pada 1983. Formasi awal mereka terdiri dari deden dan asepongondrong dan dadan dagul. Nama mereka diambil dari lagu "Mayhem mayhem kok keluyuran" oleh arif rambo. [Wikipedia](#)

Huhutu odiye to Wikipedia tilang-gulaliyo **vandalisme**, boliliyo ma'ohuhutu tuwawu momoli'o artikel dabo patujuliyo mongantulu meyalomorusa. Mongo 'dudaha' lo Wikipedia layito hepodahawa huhutu vandalodiye botiya.

Dabo wonu Ito lo'otapu artikel u yirusa lo vandal delo odiye, Ito mowali lato tahu'a mopodulohu ode halaman 'Waro lo Kopi' wolo u motepu 'Waro lo Kopi' to kolom oloyihi baya lo antarmuka Wikipedia.

WIKIPEDIA  
Ensiklopedia Pereyi

Halaman bungaliyo  
Būbu'a lēmbō'a  
Boheli loboli'a mola  
Halaman totonula

Wikipedia

Tomimbihu Wikipedia  
Wubodu  
Baki lo hungayo  
**Waro lo Kopi**  
Mongohi

Pilākasi

Wumbuta lohihilawo  
Loboli'o wayitoyo  
Detohe berkas  
Halaman Spesial

AGAMA


TULADU

Tanggomo yit  
wungguli u yilo  
yilowali, wawu  
bungo sambe  
lohidu, wawu  
banari yilowali


# Pata'o woloolo caraliyo momoli'a artikel to Wikipedia?

To'u Ito hemobaca Wikipedia, delo maa ilontonganto tulade “boli'o” to imbihu olowala yitaato halaman?

To'u Ito motepu “Boli'o”, bibilohu halaman Wikipedia maa moboli'a ode mode “boli'o” de'uwitoyito mode tuwawu to utoonu Ito mowali momoli'a halaman boyito. Ito mowali mongimato humaya lo bibilohu 'mode boli'o' to tibawa botiya:



To mode “boli'o” botiya, Ito mowali moduhenga konten u diipo ganapu, mopo'opiyohe u tatalawa, meyalo moluluta konten u ja motumbawa. Ja lipata olo mopowayitayi lo rujukan. Lapatiyo ma'o bolo motepu “Poluneta biloli'o” to imbihu olowala yitaato.



U biloliunto maa letahu wawu maa lumuneto!

# Woloma’o tuladu u ja mowali tuladulo/ja tolimoliyo to Wikipedia?

To Wikipedia woluwo halaman khusus o judul “**Wikipedia:Wikipedia bukanlah**”. Wonu opatuju ode halaman botiya, Ito mowali motepu judul boyito to kolom pololohelo to Wikipedia. To halaman botiya, Ito mowali momilohu hal woloma’o u ja tuwoto tuwawu lo ensiklopedia. To tibawa botiya ngoolo botu lo wolotaliyo odelo:



**Kamus**, sababu Wikipedia maa woluwo proyek wutatiyo u tanggu-tanggula Wiktionary.




**Koran/habari aktual**, sababu Wikipedia olo woluwo proyek wutatiyo tanggu-tanggula Wikinews.



**Tambati mopo’iklan**, sababu memangi ja tambatiliyo. U Hituwa-tuwawuwa yito musi masahuru po’olo de’uwito tuwotolo ode Wikipedia, ja lolombuliya, tuwotopo to Wikipedia alihu masahuru.



**Buku lo resep**, potunu lo dalalo, potunu lo mopasiyari, buku lo balajari, himbunguwa lo jurnal, **tutorial**, wawu uwewoliyo ma’o u ja wayitiyo lo tuwoto tuladu lo ensiklopedia.



Ito bolo mopotuwoto “**Wikipedia:Wikipedia bukanlah**” to kotak pololohelo wonu monguli’ato halaman boyito.

# Mowali watiya motolohaku tulade to Wikipedia boyito tuladu lowatiya?

Hal bungaliyo u musi yito sipati dasar lo Wikipedia u mowali boli'o lo nga'amila tawu. Oponu ngohilaya'o dalalo artikel u pilohutunto, layito woluwo tawu weewo momoli'o wawu mopolayi'o artikel boyito. O'odito-liyo, tutuliyo tutu, timi'idu artikel to Wikipedia haku lo taa nga'amila wawu ja haku lo tawu ngota wawu ja mowali tolohakuwolo. Alasani uwe-ewoliyo ma'o alihu artikel to Wikipedia ja bo tuwawu sudut pandangliyo wawu u netral to dudaha lo'u layito.

Halaman botiya bilolifa pulitiyo 21 Febuari 2019.to 07.04.

Tuladu woluwo to tibawa [Lisensi Atribusi-MotayadeOdelo Creative Commons](#): wu'udu duhengliyo mowali popopasiyolo. Bilohi Wu'udu Mopohuna u lebe motombango.

[Tinepo privasi](#) [Tomimbihu Wikipedia](#) [Momahu](#) [Bibilohu seluler](#)

[Ta lomongu](#) [Statistik](#) [Pernyataan kuki](#)



Ngopohiyaliyo ma'o Wikipedia la-yito hemopohuna lo lisensi u hu'o-hu'o to timi'idu kontenliyo. Lisensi hu'o-hu'o botiya tuwawu lo lisensi u mopogambangangi taa hemopohuna wawu taa ohu'uwo lo konten mopotayadu wawu mopomake ilomata-ilomata limongoliyo. Lisensi hu'o-hu'o u hepomake to Wikipedia botiya de'uwitoyito Lisensi Creative Commons Atribusi-Berbagi Serupa 3.0. Wonu ohila mopatato tomimbihu lisensi botiya, Ito mowali mopobaca to situs limongoliyo to


[creativecommons.or.id](https://creativecommons.or.id)



# Longola konten to Wikipedia bahasa Enggeleti wawu Indonesia hihihede?

Konten u woluwo to Wikipedia bahasa Enggeleti wawu bahasa Indonesia tantu hihihede sababu timi'idu artikel to Wikipedia pilohutu lo tawu hihihede olo. Artikel Wikipedia mowali olo pohutuwo lo bot (robot), da bo biasaliyo bo odelo hal-hal bertopik repetitif odelo tayadiyo lo madala, taksonomi biologi, meyalo mopodutu lotanggulo obyek to hulungo. Wonu topik artikel ngopohiya lo topik boyito, debo hepohutuwo lo tawu wawu hepopolayi'o lo tawu olo.

Longola artikel to bahasa Enggeleti lebe ngohuntuwa monto artikel to Bahasa Indonesia. Utiye sababu kontributor Wikipedia bahasa Enggeleti lebe ngohuntuwa wonu popotadengo mota wolo kontributor to Wikipedia bahasa Indonesia. Sa'ati botiya, to Wikipedia bahasa Enggeleti woluwo odelo **120.000** ta ohu'uwo aktif timi'idu u ngohula (aktif botiya maku-suduliyo hemomoli'o limbata po'o 5 timi'idu ngohula), wonu to bahasa Indonesia angka boyito bo hemeduta'a ode **3000**. Momilehe angka botiye, Ito maa mowali ma'alumu hihede uda'a lo kontributor wawu pengaruhliyo to jumula lo konten lo'u dulowo versi lo Wikipedia boyito.





# Longola woluwo tawu mohuto moluladu to Wikipedia openu timongoliyo ja mo'otapu bayari?

Moluladu to Wikipedia olo kontributor botiya memangi maa hobi. Timongoliyo hobi mokontribusi to delomo bidang-bidang u otohila limongoliyo. Tingga woluwo kontributor Wikipedia taa sanangi mopotayadu informasi bohu, humaya mayi woluwo u yilowali/peristiwa damango dampakliyo uda'a ode masyarakat, tantu woluwo kontributor Wikipedia taa lato mohutu artikel boyito. Woluwo olo taa motohilawo lo topik spesifik da'a, odelo perkeretaapian. Para *railfans* (tanggulo ode penggemar perkeretaapian) molinggahe da'a momoli'o wonu woluwo jadwal kereta api u loboli'a, woluwo informasi bohu tomimbihu stasiun, wawu uweewoliyo ma'o.

Woluwo olo kontributor Wikipedia to madala lolo'iya, timongoliyo lotohilawo moluladu sababu paduli lo pelestarian bahasa lo lipu limongoliyo. Didu ma'o pohanti wonu to sa'ati botiya to Indonesia woluwo Wikipedia to delomo **13 bahasa lo lipu**, wawu woluwo hetuto Wikipedia bahasa lo lipu uweewoliyo ma'o ongo boheli buntato to delomo Incubator (tala tuwawu proyek Wiki u hepopohunaliyo mopolayi'o proyek-proyek Wiki u diipo mowali timihula tutuwawu).



# To Indonesia, bahasa lo lipu utoonu u maa woluwo Wikipedia lohihilawo?

Ngopohiya lo'u sadi-sadiya to delomo bahasa Indonesia ([id.wikipedia.org](http://id.wikipedia.org)), Wikipedia olo woluwo sadi-sadia to delomo 13 bahasa lo lipu .



Po'o'imatowa to tayadu alamat situs lo Wikipedia bo hihihede duta-duta'a to kode lo bahasaliyo, lapata'o tunu-tunuheyi lo **“.wikipedia.org”**.

\*) Ngotayade damango taa ohu'uwo lo Wikipedia Bahasa Melayu hepo-pohunawa bahasa Melayu u hepotombilu lo tawu to Malaysia. Oponu odito, taa ohu'uwo mowali mokontribusi mopohuna bahasa Melayu u hepotombilu lo tawu to Indonesia

\*\*) Kontributor oda'aliyo Wikipediawan lo Timor Leste.



# Watiya maa motohilawo momuntato Wikipedia to delomo bahasa lo lipu lowatiya. Woloolo caraliyo?

To Wikimedia woluwo situs tuwawu lo proyek u khusus dihu-dihu utiye, tangguliyo Wikimedia Incubator. Modelowa lotangguliyo, to situs botiya yimo-yimo'o proyek-proyek u istilahiyi "diipo mowali" timihula lohihilawo. To Incubator, proyek-proyek botiya maa hepopolayi'olo sambe mowali timihula lohihilawo wolo domainliyo. Ito mowali momilohe situs botiya to:

[incubator.wikimedia.org](http://incubator.wikimedia.org)

Dabo paralu otawanto tala tuwawu sarati alihu bahasa lo lipu yito mowali pohutu wala situs Wikipedia, musiwoluwo kode **ISO 639**. Tala tuwawu cara movalidasi bahasa lo lipunto woluwo kode **ISO 639** meyambo diila, mowali bilohela to situs [ethnologue.com](http://ethnologue.com). Tuwota mola tanggulo bahasa lo lipu

boyito wawu bilohi hasililiyo. Wonu Ito ohila momuntato Wikipedia bahasa lo lipunto dabo onngo tapula'otapula'o molumulo, Ito mowali mohubungiya wolo rekan-rekan monto Wikimedia Indonesia, kontak limongoliyo woluwo to tayadu pulitiyo lo buku botiya. Rekan-rekan monto Wikimedia Indonesia taa maa mohiyowa wolanto molulade hihile alihu kalaja mohutu Wikipedia to delomo bahasa lo lipu tolimoliyo.



# Watiya ohila molumulo momoli'a artikel to Wikipedia, dabo masasa mololohe ide topik u tuladulo. Delo woluwo solusi ode masa'ala botiya?

Ito mowali momuntato moluladu artikel wolo topik-topik u otohilanto, dabo Yi'o musi mopopatato artikel u ohila tuladunto **dipoluwo sadi-sadiya** to Wikipedia. Ngopohiya leeto, paralu tololomo molulade artikel to Wikipedia yito musi wolo bibilohu u **netral** (ja mowali wambihu) sambe

Yi'o ja mowali bo moluladu u mopi-yohu meyambo bo u moleeto tomimbihu subyek u hetuladunto. Ito olo musi moluladu u otutu yilowali, modelowa wolo informasi u yilotapunto to sumber u mowali paracayalo u pilohutunto rujukan.



Lonto [stats.wikimedia.org/v2](https://stats.wikimedia.org/v2)

# Delo woluwo paduma molulade to Wikipedia?

Ito mowali mopo'olato momoli'a artikel Wikipedia lohihilawo modudu'a paduma to wumbuta botiya [bit.ly/WPTUTOR](http://bit.ly/WPTUTOR). Wikimedia Indonesia olo maa lohutu modul mopo'olato u ganapu tuwangiyo. Modul botiya mowali bilohento lo'u pereyi to wumbuta [bit.ly/modulmanual](http://bit.ly/modulmanual).

Ngopohiya leeto, wonu Ito ohila modudu'a tutorial meyambo paduma to delo-mo video, Ito mowali momilohe video u maa pilohutu lo Wikimedia Indonesia to wumbuta [bit.ly/TutorialWikiID](http://bit.ly/TutorialWikiID).

[bit.ly/TutorialWikiID](http://bit.ly/TutorialWikiID)

**Tutorial Menyunting di Wikipedia Bahasa Indonesia**

**Wikipedia:Tutorial**  
Dari Wikipedia bahasa Indonesia, ensiklopedia bebas

Perkenalan    Penyuntingan    Performatan    Berkas/Gambar    Ingtaliah    Pendaftaran

**Tutorial Wikipedia – Pengantar**

Selamat datang di **Tutorial Wikipedia**. Tutorial ini dimaksudkan untuk pengguna yang telah membaca sekilas mengenai Wikipedia melalui *Mengenal Wikipedia*, dan siap untuk memulainya. Setelah membaca rangkaian halaman ini, Anda akan mendapatkan informasi dasar dan pengetahuan yang diperlukan untuk menjadi Pengguna Wikipedia.

Setiap halaman akan membahas mengenai fitur (fasilitas) mengenai software wiki, beberapa petunjuk mengenai style dan isi artikel, informasi mengenai komunitas Wikipedia, atau kebijakan dan konvensi penting dalam Wikipedia.

Ingat bahwa ini adalah tutorial, bukanlah halaman kebijakan definitif atau manual yang menyeluruh. Jika Anda menginginkan yang lebih detail, dalam tutorial ini terdapat pranala (link) yang terhubung dengan halaman Wikipedia lainnya. Halaman tersebut memiliki informasi yang lebih detail mengenai topik di sini. Jika Anda ingin sambil membacanya, mungkin sebaiknya Anda membuka pranala tersebut dalam jendela (window) baru yang.

Dalam tutorial ini juga terdapat pranala ke *bak pasir*, dimana Anda dapat mempraktekkan apa yang Anda pelajari. *Tetapi akan ada kesan aneh jika Anda menggunakan hal ini* sebelum waktunya dikarenakan Anda jadi jangan khawatir, lakukan saja dan lihat seperti apa hasilnya.

Catatan: Tutorial ini mengasumsikan Anda menggunakan layout (tampilan) halaman default. Jika Anda melakukan masuk ke *log in* dan telah mengubah preferensi pengguna Anda, *lihat pranala* pada layar mungkin bisa berbeda.

Anda siap? OK, mari kita mulai! →

Kategori: Tutorial Wikipedia

[bit.ly/modulmanual](http://bit.ly/modulmanual)    [bit.ly/WPTUTOR](http://bit.ly/WPTUTOR)

# Delo woluwo heluma lo molulade to Wikipedia u mowali dudu'a lo taa bohu odelo watiya?

*“Timi’idu u ngohula, Wikimedia Indonesia hemohutu totonula loma’o pelatihan Wikipedia to delomo totonula lobahasa to kota-kotawalo”*

Timi’idu u ngohula, Wikimedia Indonesia hemohutu totonula loma’o lokakarya meyambo mopo’olato momoli’a artikel Wikipedia to delomo totonula lo bahasa wawu to kota-kotawalo. Dudu’i layito media sosial lo Wikimedia Indonesia alihu otawanto jadwal wawu mowali modudu’a to acaraliyo!

Meyambo, wonu Ito o inisiatif mohutu pelatihan lohihilawo to kota, komunitas, meyambo kantorinto, toduwoolo ode situs [pendidikan.wikimedia.or.id](https://pendidikan.wikimedia.or.id) meyambo polahuliya langsung moli surel [pendidikan@wikimedia.or.id](mailto:pendidikan@wikimedia.or.id).



# Kegiatan molulade to Wikipedia delo ohunaliyo pohutu sarati mobotulo panggati?



Molulade to Wikipedia botiya lowali kegiatan u dasariliyo wolo **kesuka-relaan** o'oditoliyo ja mowali mongohi dampak monto segi materi wayitiyo olo to delomo u mobotula panggati.

Dabo, molulade to Wikipedia mowali mopolayi'o keterampilan non-teknis olanto, odelo keterampilan moluladu, wawu mololohe sumber u, u mowali ohunaliyo to delomo toto-nula lo kegiatan to bidang pendidikan, odelo molusungi kurikulum, mololohu materi pongajari, wawu molusungilaporan.



Ta mo'olohu moluladu Maret 2021  
Wikipedia bahasa Gorontalo

**Marwan Mohamad**

154 biloli'i'o

**Rachmat04**

8 biloli'i'o

**Deepfriedokra**

2 biloli'i'o

**Superpes15**

2 biloli'i'o

Lonto [stats.wikimedia.org/v2](https://stats.wikimedia.org/v2)



# Wonu watiya ohila mohintu lebe mopatato, tita taa mowali hubungiya latiya?

Wonu Ito ohila mohintu lebe mopatato tomimbihu program-program lo Wikimedia Indonesia, Ito mowali mohubungiya mayi wolamiyatia molawo ode surel [info@wikimedia.or.id](mailto:info@wikimedia.or.id) meyambo surel-surel to tibawa botiya:

Surel Penting Wikimedia Indonesia	
Pendidikan	pendidikan@wikimedia.or.id
Komunitas	komunitas@wikimedia.or.id
Kompetisi	kompetisi@wikimedia.or.id
Teknologi	teknologi@wikimedia.or.id
GLAM (Galeri, Perpustakaan, Arsip, dan Museum)	glam@wikimedia.or.id
Hibah	hibah@wikimedia.or.id
Konferensi	konferensi@wikimedia.or.id



# Atribusi

## FON

*Montserrat* uwoli Julieta Ulanovsky | OFL  
*Merrweather* uwoli Sorkin Type | OFL  
*Segoe UI* ulo Microsoft

[21] *Ranga* ulo TipTopTyp | OFL • *Leelawadee* (aksara Bugis) ulo Microsoft • *Noto Sans Rejang* (aksara Rejang) ulo Google | OFL • *TG Siloka Sundanese* (aksara Sunda) uwole Tegamitype/Iqbal Firdaus • *Noto Sans Javanese* (aksara Jawa) ulo Google | OFL • *Noto Sans Balinese* (aksara Bali) ulo Google | OFL • *Arabic Typesetting* ulo Microsoft (aksara Arab) • *Noto Sans Batak* (aksara Batak) ulo Google | OFL • *Wijaya* (aksara Kawi) uwole Aditya Bayu Perdana

## FOTO

[1] *CEEMeeting2016 Armenia Globe 25* uwole AWang (WMF) | Wikimedia Commons | CC BY-SA 4.0

[3] *Wikimania 2016 - group photo 03* uwole Niccolò Caranti | Wikimedia Commons | CC BY-SA 4.0

[6] • *Old Wikipedia* uwole L337p4wn (taa lopodetohu) | Wikimedia Commons | CC BY-SA 3.0 • *Jimmy Wales 83 1* uwole Chris Floyd | Wikimedia Commons | CC BY-SA 3.0

[7] *Keceriaan WikiNusantara1* ulo Studio Amarana ode Wikimedia Indonesia | Wikimedia Commons | CC BY 3.0

[8] • *Anton Chekhov with bow-tie sepia image* | Taa lohutu ja otawa | Wikimedia Commons | Domain Publik • *Bacharuddin Jusuf Habibie official portrait* ulo Pemerintah Republik Indonesia | Wikimedia Commons | Domain Publik • *KRI Nanggala, East Kalimantan Exercise, 1992* ulo ABRI | Wikimedia Commons | Domain Publik • *Alikusu Tumbilo Tohe* uwole Marwan Mohamad | Wikimedia Commons | CC BY-SA 4.0 • *Wikipedia-logo-v2-gor* oleh Wikimedia Foundation | Wikimedia Commons | CC BY-SA 3.0 • *Wilhelm Joest 1891* | Taa lohutu ja otawa | Wikimedia Commons | Domain Publik

[9] Foto uang rupiah uwole Eko Anug | Pixabay | Lisensi Pixabay

[10] Foto buku uwole Nick Fewings | Unsplash | Lisensi Unsplash

[19] *WikiLatih Indonesiana; April 2017 03* ulo Indorelawan | Wikimedia Commons | CC BY-SA 4.0

[25] • *Wikilatih Purworejo 1* uwole Hidayah Sunar | Wikimedia Commons | CC BY-SA 4.0 • *WikiLatih Sunda Universitas Pendidikan Indonesia 17-19 September 2018 10* uwole Nadiantara | Wikimedia Commons | CC BY-SA 4.0 • *Sukarelawan pelatih WikiLatih APKS PGRI Kabupaten Jember (Gelombang 1)-3* uwole Ahmadi SE | Wikimedia Commons | CC BY-SA 4.0 • *April 29 2018 WikiLatih Indonesiana 2.0 with Indorelawan* ulo Indorelawan | Wikimedia Commons | CC BY-SA 4.0

[26] *WikiPelatih PGRI Sulsel-7* uwole Gunarta | Wikimedia Commons | CC BY-SA 4.0

## GRAFIS

[2] *Wikimedia Illustration Header Detail Projekte* ulo Blanca Flores | Wikimedia Commons | CC BY-SA 4.0

[4] *Wikipedia Education Backpack 1* ulo Blanca Flores | Wikimedia Commons | CC BY-SA 4.0

[5] • *Nupedia* ulo Nupedia lan milodesign.com, berkas vektor ulo *Habitator terrae* | Wikimedia Commons | Domain Publik • *Nupedia, the open content encyclopedia 2000-08-15* ulo nupedia.com | Wikimedia Commons | CC BY-SA 3.0

[9] *Wikipedia planet* uwole Mathis Eckelmann ode Wikimedia Jerman | CC BY-SA 4.0

[11] *Laptop Budaya* uwole Fandi Zuliyanto ode Wikimedia Indonesia | Wikimedia Commons | CC BY-SA 4.0

[13] *Kegiatan Menyunting* uwole Fandi Zuliyanto ode Wikimedia Indonesia | Wikimedia Commons | CC BY-SA 4.0

[17] *Wikimedia Illustration Header Detail Digitales Ehrenamt* uwole Kati Szilágyi ode Wikimedia Jerman | Wikimedia Commons | CC BY-SA 4.0

[18] *Wikimedia Illustration Header Detail Recherche 2* uwole Kati Szilágyi ode Wikimedia Jerman | Wikimedia Commons | CC BY-SA 4.0

[21] *Themenfeld Wissensgesellschaft* uwole Kati Szilágyi ode Wikimedia Jerman | Wikimedia Commons | CC BY-SA 4.0

[23] *Wikipedia Community cartoon - high quality* uwoli Giulia Forsythe, gilambariliyo ulangi li Asiyeh Ghayour, pilopodetohu le Seyyedalith | Wikimedia Commons | CC0

[27] *Gelar Wicara 2* uwole Fandi Zuliyanto ode Wikimedia Indonesia | Wikimedia Commons | CC BY-SA 4.0

## IKON

[2] • *Globe* ulo Eagle Eye | Noun Project | CC BY • *Open Lock* ulo Caio Ranieri | Noun Project | CC BY • *Translation* uwoli Mun May Tee | Noun Project | CC BY • *Encyclopedia icon* uwole Atón | Wikimedia Commons | CC BY-SA 4.0 • *Light bulb icon red* uwole Atón | Wikimedia Commons | CC BY-SA 4.0 • *Scale icon green* oleh Atón | Wikimedia Commons | CC BY-SA 4.0 • *Jigsaw piece yellow 01* uwole Atón | Wikimedia Commons | CC BY-SA 4.0 • *Smiley icon orange* uwole Atón | Wikimedia Commons | CC BY-SA 4.0

[16] • *Dictionary* ulo Kantor Tegalsari | Noun Project | CC BY • *Advertisement* ulo Komkrit Noenpoempisut | Noun Project | CC BY • *Newspaper* uwole Fahmi | Noun Project | CC BY • *Writing* uwole andriwidodo | Noun Project | CC BY

[22] • *Phone* uwoli Larea | Noun Project | CC BY • *Computer* ulo Phoenix Dungeon | Noun Project | CC BY • *Indonesia* uwole Ivan Colic | Noun Project | CC BY

# Glosarium

To halaman botiya, tuwa-tuwanga tahe bohu wawu ja boti hepomake ngohuyi-ngihuyi sababu bo hepomake to'u paralu bodelo paduma botiya. Bo jamowali paahulo wonu tahe bohu to paduma botiya mowali pomake to'u moluladu kitabi uwewo liyo ma'o.

## A

Aayita lo internet : *dalam jaringan* (Indonesia)

## B

Boli'o : *sunting* (Indonesia)

## H

Hu'ohu'o : *terbuka* (Indonesia)

## I

Ilomata : *karya* (Indonesia)

## J

Ja pilongahulo : *tidak direkomendasikan* (Indonesia)

## L

Lembo'a, yimo'a : *komunitas* (Indonesia)

## M

Masina pololohu : *mesin pencari* (Indonesia)

Monguli'ato : *mengakses* (Indonesia)

## P

Paduma : *panduan* (Indonesia)

## T

Taa lopoluneto : *penerbit* (Indonesia)

Tepuwa : *klik* (Indonesia)

## W

Wolihi limo : *lima prinsip utama* (Indonesia)

Wumbuta : *hubungan internet* (Indonesia)

# Komunitas



**KOMUNITAS WIKIMEDIA BANDUNG**  
bandung@wikimedia.or.id



**KOMUNITAS WIKIMEDIA BATAK TOBA**  
baktatoba@wikimedia.or.id



**KOMUNITAS WIKIMEDIA GORONTALO**  
gorontalo@wikimedia.or.id



**KOMUNITAS WIKIMEDIA MADURA**  
madura@wikimedia.or.id



**KOMUNITAS WIKIMEDIA MEDAN**  
medan@wikimedia.or.id



**KOMUNITAS WIKIMEDIA PADANG**  
padang@wikimedia.or.id

**KOMUNITAS WIKIMEDIA BANJAR**  
banjar@wikimedia.or.id



**KOMUNITAS WIKIMEDIA DENPASAR**  
denpasar@wikimedia.or.id



**KOMUNITAS WIKIMEDIA JAKARTA**  
jakarta@wikimedia.or.id



**KOMUNITAS WIKIMEDIA MANDAILING**  
mandailing@wikimedia.or.id



**KOMUNITAS WIKIMEDIA NIAS**  
nias@wikimedia.or.id



**KOMUNITAS WIKISOURCE INDONESIA**  
idwikisource@wikimedia.or.id



**KOMUNITAS WIKIMEDIA YOGYAKARTA**  
yogyakarta@wikimedia.or.id



# Proyek-proyek Wikimedia di Indonesia



## WIKIPEDIA

### Indonesia

[id.wikipedia.org](https://id.wikipedia.org)

### Aceh

[ace.wikipedia.org](https://ace.wikipedia.org)

### Bali

[ban.wikipedia.org](https://ban.wikipedia.org)

### Banjar

[bjn.wikipedia.org](https://bjn.wikipedia.org)

### Banyumasan

[map-bms.wikipedia.org](https://map-bms.wikipedia.org)

### Bugis

[bug.wikipedia.org](https://bug.wikipedia.org)

### Gorontalo

[gor.wikipedia.org](https://gor.wikipedia.org)

### Jawa

[jv.wikipedia.org](https://jv.wikipedia.org)

### Madura

[mad.wikipedia.org](https://mad.wikipedia.org)

### Melayu

[ms.wikipedia.org](https://ms.wikipedia.org)

### Minangkabau

[min.wikipedia.org](https://min.wikipedia.org)

### Nias

[nia.wikipedia.org](https://nia.wikipedia.org)

### Sunda

[su.wikipedia.org](https://su.wikipedia.org)

### Tetun

[tet.wikipedia.org](https://tet.wikipedia.org)



## WIKTIONARY

### Indonesia

[id.wiktionary.org](https://id.wiktionary.org)

### Jawa

[jv.wiktionary.org](https://jv.wiktionary.org)

### Melayu

[ms.wiktionary.org](https://ms.wiktionary.org)

### Minangkabau

[min.wiktionary.org](https://min.wiktionary.org)

### Nias

[nia.wiktionary.org](https://nia.wiktionary.org)

### Sunda

[su.wiktionary.org](https://su.wiktionary.org)



## WIKIBOOKS

### Indonesia

[id.wikibooks.org](https://id.wikibooks.org)

### Melayu

[ms.wikibooks.org](https://ms.wikibooks.org)



## WIKISOURCE

### Indonesia

[id.wikisource.org](https://id.wikisource.org)

### Bali

[ban.wikisource.org](https://ban.wikisource.org)

### Jawa

[jv.wikisource.org](https://jv.wikisource.org)



## WIKIQUOTE

### Indonesia

[id.wikiquote.org](https://id.wikiquote.org)

### Sunda

[su.wikiquote.org](https://su.wikiquote.org)

## Proyek Multibahasa



### WIKIMEDIA COMMONS

[commons.wikimedia.org](https://commons.wikimedia.org)



### WIKIDATA

[wikidata.org](https://wikidata.org)



### WIKISPECIES

[wikispecies.org](https://wikispecies.org)



### WIKIMEDIA INCUBATOR

[incubator.wikimedia.org](https://incubator.wikimedia.org)



Simak cerita di balik layar  
bagaimana komunitas Wikipedia bekerja  
**[bit.ly/BebaskanPengetahuan](https://bit.ly/BebaskanPengetahuan)**



wikimediaid  Wikimedia Indonesia   
wikimediaid  Wikimedia Indonesia   
wikimediaid  info@wikimedia.or.id   
Wikimedia Indonesia  wikimedia.or.id 

**PENDIDIKAN**  
pendidikanwmid   
pendidikan@wikimedia.or.id   
pendidikan.wikimedia.or.id 

**GLAM**  
GLAM\_Indonesia   
**WIKIDATA**  
wikidataid 

*JA POKUPE'I MONTO WIKIPEDIA! Paduma limbu-limbu'o ode olanto taa ohilawo ensiklopedia uda'a to duniya maya lowali paduma tuwawu pilohutu pilomatuju ode taa ohila mobaca wawu opahamu lebe mopatato tomimbihu Wikipedia.*

Taa loluladu moharapu paduma botiya mowali tameto ode timi'idu yiyintu u layito heyintuwo lo tawu tomimbihu Wikipedia,odelo tutuliyo tutu wolo boyito Wikipedia, informasi wolo u sadi-sadia to delomo Wikipedia, wawu woloolo mololohu wawu mopohuna informasi to Wikipedia lo'u banari.

Wanu ma ilotawa mopatato Wikipedia, taa loluladu moharapu mowali mo'ohilawo minat lo taa mobaca alihu modudu'a wawu motiwayito molayadu pongotota wolo Wikipedia.

Versi to delomo aayita lo internet paduma botiya mowali pobacanto to:  
[bit.ly/wmid-japokupeimontowikipedia](http://bit.ly/wmid-japokupeimontowikipedia)



TCC Batavia Tower One, Lt. 6  
Jalan K.H. Mas Mansyur No. 126  
Karet Tengsin, Tanah Abang  
Jakarta Pusat, DKI Jakarta 10220  
[wikimedia.or.id](http://wikimedia.or.id) | [info@wikimedia.or.id](mailto:info@wikimedia.or.id)

ISBN 978-623-88155-4-8 (PDF)

